

وش قد هذا الحزن مُحزن !

يابو دمعتين ملحها بلل الكراس
دموعك ترى من نشوة الحزن عريضة
أحس الحزن ما عاد يستوعبه قرطاس
ولا عاد صوتك يكفي لـ شبه تغريدة !
جذع سدر حنجرتك على أغصانه اليباس
توقع من أسراب التناهيد تنهيدة
ترى ما على جرحك ليا من صرخت لباس
علامك تحاول تخفي الجرح و تبیده !
كلامك هوية روحك .. إطلع من الأقواس
أريد أنتصر لغيابك المر و أزيده !
شوارع غيابك أرصفتها بلا جلاس
بها صوتك اللي كل ما يطفي تعیده !
دروب سمر كم حننا الليل و النسناس
و كم وزن يبكي خلف الأبواب من قيده !
على طاولة غيبتك يا ما شربت الياس
و ياما الأمل قرئت الـ الأحزان في إيده !
تأكد يا سيد الناس .. ما أنته بمثل الناس
لك الدفتر اللي لمعة الماس في جيده
لك الشجر .. شجرة لوز لو كسروها بفاس
يطيح الكلام العذب و تعيش تمجيده !
توجع .. توجع سيدي سيد الإحساس
و طير قصيدة رجعتك مثل تنهيدة !

مناديه النفيعي

صوتك لحن .. إكتب على خياله
باقي كلامك نوت !
إشنى بقايا كل ما (تعرف وما تجهل) من الصمت
فاحزن حبال الصوت
خايف تموت مجهول الهوية !
خايف من الجروح المنبرية !
من هالحكي يا صاحبي لازم نخاف
وما علينا خلاف .. لو خفنا !
كل صرخة خلف حنجرتك .. تسافر ساهرية !
زود طعونك .. طعون الحزن أكثر شاعرية !
أريد أعرف
وش قد هذا الحزن مُحزن !
أريد أحس
إن الكلام أكبر من المجهول ..
و الممكن !
وإن الكتابة فرض ..
و الصمت الخطية ..

من تعب أقدامي ؟ ..
من يقتل أحلامي ؟ ..
بشع .. بشع هذا الحزن ..
هذا الحزن فاجر
يشبه جنوني ..
يشبه طريقي و انقسامي ..
من يحسب آلامي !
أوجاعنا شارع .. أيامنا أمتار ..
والعمر مشوار ..